

疑。而余作麴氏紀年，以永平繼章和之後，亦由此表爲之證明也。墓中取陶器十件。第二塚，墓道中之墓表，爲延昌二十二年畫神邕妻周氏，朱書朱格。墓中取陶器十一件。第三塚，墓表爲墨書，題延昌三十一年畫墓。取陶器二件。第四塚，墓表爲儒子，墨書延昌十九年，取陶器四件。儒子墓表不署姓名，以其附於畫墓旁，或亦姓畫，卒年二十有七，無妻子，蓋其取名儒子之故歟。在畫塋之東爲田塋。

六、田塋。塋內共三塚，門均東南向。外亦無石線欄。在第一塚中，其墓表爲刻字，題永平元年田元初。取陶器二件。第二塚，墓表爲墨書，題建昌五年田紹賢。取陶器十一件。第三塚，墓表爲朱書，題延昌三十二年田賢文。無陶器。由畫塋與田塋在排列整齊之墳墓中，審其墓表所題之年代，在最右者時代爲最早，以次遞後。因此吾人知當時埋葬，亦先在右邊，由右而左，或者爲西域人尙右之故歟。在田塋之西南爲曹塋。祇二塚，亦無石線欄。掘其左一塚，得墓表一方，爲朱書，題延昌七年曹孟祐。取陶器十二件。在田塋東百餘步，爲孟塋。

七、孟塋。塋內共十六塚，排列頗不整齊，略可分爲五列，門均向東南。在第一塚，其墓表爲朱書，題和平四年孟宣宗。有陶器九件。第二塚，墓表爲朱書，題延昌二十一年孟孝口。有陶器五件。第三塚，亦爲朱書，題延昌三年孟宣住。有陶器五件。第五塚，爲朱書直格，題延和八年孟子。有陶器十餘件。第六塚，爲朱書直格，題唐貞觀二十四年孟隆武。